

մանակները զարդարուած է եղել մեծ շուքով: Վանական կեանքն էլ, ըստ երեւոյթիւն, այնչափ անյուսօրէն ձանձրալի չէ եղած, որչափ ներկայիս: Ժամանակի կաթողիկոսն ի պատիւ պ. Tavernier-ի եւ նրա ուղեկիցները — քարավանի քրիստոնեայ վաճառականները — հրամայել է կազմակերպել ցլամարտ... Եւր իջմիածինը դրախտի պատկերով է ներկայացնում: Բայց, Աստուած իմ, ի՞նչպէս այդ ամէնը չէ համապատասխանում այժմու պատկերին... Եւ յետոյ, վանքի ոչ ներքինը եւ ոչ էլ արտաքինը կրում է ունէ հետք այն շուքից ու պայծառաշուքիւնից, որի մասին այնչափ գովքով են խօսում այդ հին ճամբորդները: Կաթողիկոսի սենեակներն էլ պարզ են ու կրում են հին շուքի թոյլ հետքերը միայն»:

Վազներ իր կողմից եւս տալիս է վանքի ներքին եւ արտաքին համառօտ նկարագրութիւնը: Ընդհանուր տպաւորութիւնը, նաեւ ճարտարապետութեան տեսակէտից, շատ աւելի աննպաստ է՝ քան Գայիանէի եւ Հոնիսիմէի վանքերինը: Էջմիածնի միաբանների թիւը Շուրտէն հաշուել է 12-15 (իսկական միաբաններ), թէեւ վանքը յարմարեցուած է եղել 80 հոգու համար: Դիւրուան հաշուած է 50: Վազների օրով այդ թիւը եղել է, համաձայն տեղապահ Բարսեղ արքեպիսկոպոսի տուեալների, 90: Վերջինիս մէջ մտնելիս են եղել ժառանգաւորաց Վարժարանի սաները եւս:

Վազներին թոյլ է տրուած, թէեւ ոչ սիրով, ներկայ գտնուելու վարժարանի դասերին: Նրա խնդրով՝ Արովեանը սաներին քրննում է մի քանի առարկաներից, որից եւ երեւում է աշակերտների «սարսափելի տգիտութիւնը»:

Այսպէս, ամենաաւագ աշակերտն անգամ չէ կարողանում ուսներէն «մայր» բառը հոլովել: Բանից դուրս է գալիս, որ ուսներէնի վարդապետ-ուսուցիչն իսկ ծանօթ չէ ուսներէնի հոլովումներին: Աւելին դեռ. սաներից եւ ոչ ոք չէ կարողացել ճիշդ պատասխանը տալ այն հարցին թէ... տարին քանի՞ օր ունի, «հակառակ որ նրանցից մի քանիսը արդէն բնիտտ էին: Եւ այսպիսիներից են դուրս գալիս ողջ Հայաստանի արքեպիսկոպոսները»:

Նման տգիտութիւն նաեւ միւս առարկա-

ների մէջ: Սաների ստացած ամբողջ գիտութիւնը եղել է՝ մեքենայէս աղօթքներ անդիր սովորել, նոյն ձեւով էլ Ս. Գիրք կարգալ, ծիսակատարութեանց վարժուել, պաս պահել, եւայլն: Ու գերման ճամբորդը «նողկանքով» է ոտքը դուրս դնում վարժարանից:

Մի խօսքով, Վազների տպաւորութիւնն այն է եղել, որ էջմիածնի ժառանգաւորաց Վարժարանում բթամտութիւնն է իշխողը: Դպրոցի սաների, անգամ դպիրների հետ «բարբարոս խստութեամբ» են վարուելիս եղել: Փոքրիկ զանցառութեանց համար իսկ աշակերտներին սոսկալի ծեծի են ենթարկել միշտ: Վազներ ստացել է այն տպաւորութիւնը, թէ «պահքը խախտելը Հայաստանում ամենամեծ մեղքն է համարուած, մինչ խարբարութիւնը եւ գողութիւնը այս ժողովուրդի աչքում աննշան բաներ են»:

Վանականների բարդատուութեամբ՝ Վազներ «բախտաւոր» է համարում հայ քահանաների դասի պատկերը, քանի որ դրանք ժողովրդի մէջ են մեծանում եւ ապրում: Թէեւ քահանաները զուրկ են մինչեւ իսկ վանականների «գիտութիւնից», յաճախ դրել-կարգալ իսկ չգիտեն, բայց դրա փոխարէն գոնէ մարդկային աւելի առողջ «միտքի տէր են քան վանականները»:

Էջմիածնի տարեկան Եկամուտը Վազներ իր այցելութեան միջոցին հաշուած է, «վրստահելի տուեալների հիման վրայ», հազիւ 16 հազար բուբլի: Եկամուտի գլխաւոր աղբիւրները եղել են՝ վանքի կալուածները, Երեւանի եւ Թիֆլիսի վանապատկան կրպակները եւ ուխտաւորների նուէրները:

Էջմիածին այցելող ամէն մի ճամբորդի հետաքրքրութեան առաջին առարկաներից մէկը է՛ն գլխից եղել է վանքի գրչագիրների ժողովածուն:

«Հին ճամբորդները, — ասում է Վազներ, — էջմիածնի ձեռագիրների թիւը հաշուում են 30,000, Eugen Bore'-ն 5-6000, որ դարձեալ խիստ չափազանցուած է... Իմ հաշուով նրանց թիւը մօտ 2000 պիտի լինի, յամենայն դէպս՝ ո՛չ աւելի պակաս»:

Վանքի ձեռագրատուն-մատենադարանը Վազներ գտնում է ողորմելի, խառնիխուռն վիճակի մէջ: Անգամ դրադարանապետ-վար-